



# Kriteriji prihvatljivosti i uslovi za grantove za Male akcije

## Kriteriji za odobravanje

Pri vrednovanju mogućnosti finansiranja Malih akcija, donosioci odluke će se rukovoditi niže navedenim skupom kriterija:

### Obavezni/nužni kriteriji

Projekti *moraju*:

- biti povezani sa i promovisati poruke jednog ili više strateških sektora navedenih u Strategiji saradnje Švicarske u BiH za period 2017.-2020.,
- biti razvijeni na participativan način i jasno odražavati potrebu odabranih ciljnih korisnika,
- ne smiju finansirati isključivo nabavku opreme ili pružanje konsultantskih usluga,
- odvijati se uglavnom u Bosni i Hercegovini,
- biti orijentisani na budućnost,
- sadržavati kvalitetne informacije i opis predloženih aktivnosti u prijavi (način na koji podnosilac prijave razumije problem koji projektom treba riješiti, opšti opis aktivnosti i rezultata koje treba postići, usklađenost sa Strategijom saradnje Švicarske),
- uključivati vlastiti finansijski doprinos ili doprinos u naturi od strane podnosioca prijave (najmanje 15 % ukupnog budžeta),
- ne smiju trajati duže od 18 mjeseci ili kasnije od 31.01.2019. godine,
- ne smiju premašiti traženi doprinos preko iznosa od 90.000 KM. (*Prijave će se pažljivo razmotriti uzimanjem u obzir troškovne koristi/djelotvornosti predloženih aktivnosti i budžeta, te kapaciteta podnosioca prijave*).

### Dodatni kriteriji kojima se pojačava prihvatljivost projekta

Projekti *trebaju*:

- uzeti u razmatranje jednu ili više sljedećih tema: socijalno uključivanje, ravnopravnost polova i dobro upravljanje,
- podržavati uvođenje ili testiranje novih ideja i inovativnih pristupa / pružati mogućnost,
- promovisati i provoditi razvoj kapaciteta kao način za poboljšanje učinaka rada na nivou pojedinca, organizacije, mreže i šireg sistema, uz podsticanje učenja, osnaživanje učesnika za vršenje njihovih funkcija i postizanje njihovih razvojnih ciljeva,
- istraživati nova partnerstva za moguću podršku kroz Švicarski program saradnje,
- uzeti u obzir aspekt održivosti rezultata.

### Kriteriji isključenja

Raspoloživa sredstva za Male akcije ne smiju se koristiti za finansiranje:

- studijskih putovanja u inostranstvo,
- privatnih poslovnih poduhvata i komercijalnih aktivnosti,
- fizičkih lica,
- stipendija,
- humanitarnih događaja, vjerskih aktivnosti i sponzorstava,
- samo infrastrukture / opremanja,
- aktivnosti planiranja i evaluacije,
- dodatnih aktivnosti u velikim projektima gdje doprinosi Švicarske više ne bi bili vidljivi,
- tekućih troškova javnih ustanova ili državnih tijela, uključujući plate državnih službenika,
- drugih faza prethodno implementiranog projekta Malih akcija.

## **Kompetentnost, pouzdanost i doprinos organizacije primaoca/podnosioca prijave**

Partnerske organizacije moraju:

- biti registrovane u BiH i imati adekvatnu organizacijsku strukturu i urednu finansijsku evidenciju,
- demonstrirati kompetentnost za predloženu inicijativu i dostaviti referens listu završenih projekata ili projekata u implementaciji.

Svaka organizacija ili ustanova može dobiti sredstva samo za jedan projekat u tekućoj fazi grantova za Male akcije (2017.-januar 2019.).

## **Izvještavanje**

Primaoci granta moraju dostaviti operativni i finansijski izvještaj u roku od 30 dana po završetku projektnih aktivnosti. Projekti u kojima je doprinos Švicarske jednak ili viši od 40.000 KM će morati dostaviti srednjoročni izvještaj. Izvještaji koje implementacijski partneri dostavljaju Ambasadi trebaju sadržavati operativne i finansijske elemente, moraju se konkretno baviti očekivanim rezultatima, kako je navedeno u projektnoj dokumentaciji, te moraju izvještavati o promjeni na kvalitativan (tj. narativno) i kvantitativan način. Finansijski izvještaj treba sadržavati listu svih priloženih kopija proratne dokumentacije (računa, priznanica, ugovora i sl.) uz navođenje s njima povezanih pozicija budžeta koji je podnesen uz prijavu, uključujući doprinose podnosioca prijave i drugih donatora.